



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thronus Dei Maria Deipara

Spinelli, Pietro Antonio

Coloniæ Agrippinæ, 1696

S. Henricus Imper. ibid.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

SANCTVS HENRICVS IM-  
perator.

*S. Henricus Imperator.*  
*S. Chonegunda Imperatrix.*  
*Roman. Naucles.*  
*Viso Henrici Imperatoris.*  
*Ejundem virginis in Deiparae gratissimam esse sibi in dicanis.*  
*Contrafred.*

Sanctus Henricus Imperator, cuius memoria in Rom. Martyrol. die 14. Junii recollitur cum S. Chonegundæ conjugē, de qua in eodem Martyrol. die 3. Martii perpetuam virginitatem singulari Deiparæ ope illibatam sequebat. obiit autem anno Domini 1024. Is in eadem Deipara colenda adeo fuit studiosus, ut teste Joanne Nauclero generatione 14. ingrediens in urbem, primam noctem in Basilica Sanctæ Mariæ Maioris semper excubante soletet. semel autē visione quadā admirabili dignatus est, quam verbis Naucleri referam, quod ex ea S. Henrici religio, ac pietas in Virginem sanctissimam, eiusdemque Virginis in eum benignitas perspicuè appareat. Fertur, inquit, de Henrico hoc, quod semper primam noctem ingrediens urbem, solitus fuerit in Ecclesia S. Mariæ Maioris manere. contingit autem semel, quod dum solitarius oraret. visus sit sibi Christus pontificalibus indutus procedere, missamque celebraturus, quem sequebatur S. Laurentius, & loco subdiaconi Vincentius: post hos Virgo Dei genitrix cum multitudine Virginum, & Angelorum: de hinc Joannes Baptista cum Patriarchis, & Prophetis: post hos Petrus, & Ioannes cum cæteris Apostolis, & Evangelistis: S. Stephanus cum Martyribus, S. Martinus cum Confessoribus: Angeli incæperunt introitum: *Suscipimus Deus misericordiam tuam, & dum cantaretur, Dextera tua plena est iustitia, Omnes Christum, & B. Virginem imitantes, extenderunt digitos in Henricum: post Evangelium indicibili iubilo Angelus librum deosculatum à Christo, præsentavit B. Mariæ & post eam omnibus per ordinem deosculandum: demùm innuit B. Virgo Angelo, ut porrigeret librum etiam Henrico ad osculandum dicens: Præbe ei pacis osculum, cuius mihi virginitas placet: & cum præ nimio gaudio raptus, nesciret ad plenum intendere: Angelus ipsum in nervo tangens, dicit: Hoc tibi erit signum dilectionis Dei propter tuam castitatem, & iustitiam, & exinde usque ad mortem claudicabat: ex quo eventus vocatus est Henricus Claudus. hætenus Nauclerus. Idem S. Henricus plurima erexit templa, de quibus, ac de eius castimonia Gottifredus Viterbiensis in suo chronico sic cecidit:*

*Coniuge virginea Virgo permansit, & ille Catholicas adeo Ecclesias numero quasi mille. Inter alia porro Tempa Spire primarium templum in Deiparæ honorem regia magnificentia construere cepit, quod postea Conradus II. perfecit: ex quibus omnibus non tantum ejus in Virginem studium, verum etiam quantum illud Virgini acceptum fuerit facile cognosci potest.*

SANCTUS STEPHANUS REX  
Hungaria.

37 Sanctus Stephanus Rex Hungariæ se S. Stephani ipsum, Regnumque suum per votum, & oblationem in Deiparæ tutelam assiduis precibus obtulit: Ecclesiam in honorem Virginis in Alba regia Vibe magnificentissimam extruxit, & regia munificentia exornavit. Assumptio festum Hungariæ celeberrimum esse, & diem Domine ab ipsidem appellari voluit, quos Virgini devotissimos ex institutione S. Stephani, & S. Gerardi martyris Episcopi Canadiensis testatur Hungarorum capitis submissa inclinatio ad nomen Virginis, ut supra diximus in S. Gerardo, & alia, quæ refert Canisius libr. 5. de B. Virgine cap. 28.

IOANNES COMNENUS IMPERATOR  
Constantinopolitanus.

Ioannes Comnenus Imperator Constantinopolitanus post insignes victorias, quas de Schyris, alijsque hostibus Virginis ope, quem admodum tract. de Mirac. uberius diximus, reportavit, Deo, ac Deiparæ vota persolvit, in festo, quod Pazzinacorum vocant, in rei gestæ monumentum, & grati animi testimonium, quas victorias Deiparæ, ut unica virginis acceptas referens, eidem religiosum anno Domini 1123, paravit triumphum: qui à Niceta Choniata describitur: *Currus gemmis pretiosissimis ornatus à quatuor equis candidissimis traheretur, habenas viris potentissimis moderandas, & cognatus suis currum currandum dedit. In currum Dei Genitricis imaginem collocavit, ipse crucem manu gestans, pedes antecessit, & S. Sophia Templum ingressus, atque in conspectu omnis populi ob successus gratijs Deo actus in Palatium abiit. hæc Nicetas. Idem ante eum fecerat Ioannes cognomento Zimesces Imperator Constantinopolitanus anno Domini 971, propter in-*

*Conradus II. Imperator*

*Virgini*  
*Regnum*  
*suum ob-*

*S. Gerardi*  
*duo marti-*

*Canisius*

*Ioannes Comnenus Imperator Constantinopolitanus*  
*de accepta victoria exhibet.*  
*Nicetas Choniates*

*Ioannes Zimesces Imperator*